

黃忠端公年譜



89649

黃忠傑  
容老譜

光緒二十九年與秀  
容老種屬題名



敘

有明天啟朝奄寺亂政太阿倒持一時摘藻揚華我冠博帶  
擐魏科而躋顯秩者類皆低首下心他他覩覩惟奄旨是承  
而我太僕忠端公於楊忠烈二十四罪疏未上之先抗章劾  
璫何啻博浪一椎祖龍褫魄厥後指陳時政俱爲奸黨所側  
目卒與諸君子身填狴犴甘之如飴而一往浩然之氣藉扶  
綱常於不墜豈特殘明龜鼎賴公奠定哉炳於癸酉秋擬哀  
公事實編爲年譜奈兵燹之餘篋衍中藏弄家集半付劫灰  
卽故舊聚書諸大家亦焚燬殆盡搜剔久之未克成編一夕

黃忠端公年譜卷一

假寐聞書種閣恍惚至一處見夫玉軸牙籤繁富夥够畧爲  
翻閱則忠端事跡所在多有方欣慰間而雞鳴破曉殘夢覺  
矣嘗觀周官有六夢之占此殆所謂思夢非邪因思古籍叢  
萃莫如書肆王充閱市舊事可師遂徧歷甬越各坊及近日  
購書之家網羅蒐討彷彿夢中所見各書乃悟曩者一夢蓋  
太僕在天之靈示機緘於冥冥中也嗚呼太僕公後自文孝  
至炳宗子七傳矣嘗以歲時祭祀拜化安山賜瑩見夫四明  
北面諸峯左右拱揖而松楸之聲迎風洶涌恍疑太僕英靈  
乘胥江秋濤而儻降旣而至通德里故居則花園遺址猶存




石筍矗立掩映青林黃竹間摩挲久之想見峩峩巖巖餘韻未泯焉回憶垂髫時先君子以公集暨正氣錄等書見示云此先太僕公遺徽也汝他日學成名立當以闡揚祖德爲第一事今先子棄養卅有餘年小子在苒六旬學未成名未立自顧頑軀無一可繼述前人者惟是表揚先芬之志常耿耿於懷中竊幸世德可稽何敢以不才自諉於是流覽羣書凡涉公之行事者捃摭罔棄歷一載而紀月編年釐然就緒云間嘗考年譜體例今昔不同歲乙己編文孝公年譜不揣踰淺效陽明弟子撰王譜之例撮要記事各條下不註出處闕

黃忠端公年譜跋

者以未識所本爲憾茲則件標書目旁及時事兼附歌詠倣張石洲亭林年譜之式俾閱者於紀載之異同朝局之清濁國運之遷流一開卷瞭如指掌詎止太僕懿策纖悉靡遺乎譜旣成同志欲集贊刻之炳曰此宗子之責也不敢復煩諸君爰以節衣縮食之所蓄付諸劊劊并不取給於公費焉昔李文簡著范韓富歐司馬三蘇六君子年譜後世歎其博洽當日太僕同難諸公若高若繆若李若三周各後裔諒必有表襮前徽昭示來葉者異日合七君子年譜爲一書尤炳之所心期而願睹者爾乙亥蜡日炳厚謹識



# 化慶山圖



龍虎狀峯西

化安山龍眼井  
俗名江井

龍虎堂故址

田田  
致洲金屋生辛  
葉淑人墓

三女故址  
五隕

寺安化  
竹園

三女峯

關帝殿  
剡湖庵

陸宗祠

岩道問





忠端公年譜舊本

公諱尊素字真長姓黃氏別號白安初名則燦數試不利夢景州公謂之曰蓋名我之名景州名尚質覺而異之故易名黃氏之先婺人有為慶元通判者死建炎之難其子諱萬河避地於餘姚之黃竹浦遂為邑人祖諱大綬號對川贈太僕寺卿父諱曰中號鯤溟封太僕寺卿祖妣章太淑人妣盧太夫人

明萬曆十二年甲申十一月十三日公生 公生數著異故對

川公特鍾愛之豐頴廣穎識者知為非常之表

二十五年丁酉公十四歲

二十六年戊戌公十五歲 公自少博覽經史不專為科舉之

學自述詩云憶昔十四五膽氣豪且闊志欲搜典墳窮盡古今

三十二年甲辰公二十一歲 八月十二日元配翁太夫人卒

太夫人大司馬見海公之後太夫人有姪祖石先生名逸兼

忠端公年譜舊本

工繪事後從公宦遊京師授晦木澤望二公句讀公舟中雜

詠所謂共坐得詞人者也婦屋讀被祖石先生係弟夫人之弟非妣也

三十六年戊申公二十五歲 作清景賦序云郊居無事紅樹

白雲清景飛來襲人因念造物無藏何地不然在人自取遂

暢而賦之然政未可為當場人道也

三十七年己酉公二十六歲 續娶姚太夫人上虞太僕寺卿

翔鳳之從孫女父諱克俊字順字鄉飲太賓

三十八年庚戌公二十七歲 八月初八日伯子文孝公生

四十年癸丑公三十歲 五月之望與鄭奉襄族人元素自

黃竹浦登舟遊上虞白雲山鳳鳴洞有記又兩遊剡湖剡湖

在吾邑通得鄉以其景物之勝擬諸剡中故名謝文正嘗讀

書於此

四十三年乙卯公三十二歲 補博士弟子員隨舉於鄉

四十四年丙辰公三十三歲 聯捷成進士仲子晦木公生

四十五年丁巳公三十四歲 仕甯國府推官姚太夫人隨任



時湯祭酒免歸鄉里所號爲宣黨之魁者其門生滿天下有司惟恐不得其歡一郡之事祭酒多先受牒判之有司理牒投牒者出祭酒所判有司判之一如祭酒相沿成習公視事有出祭酒之牒者公怒曰湯祭酒乃欲土司甯國乎裂其牒扑出牒者郡中震慄涇令初著叨穢聞之乃曰是不畏湯祭酒者何難按舉吾屬哉終公任不敢爲姦利事

四十六年戊午公三十五歲 江南鄉試分房得門下士十人

徐公石麟朱公天麟金公渾後俱殉節著名叔子澤望公生天啟元年辛酉公三十八歲 春兼辦糧事冬兼攝郡邑事郡

有劉宦橫甚置私獄殺人家僮以百數恣爲奸利公拘一二鞫之扑其助虐數人桁楊于市爲教諭曰足下僮客甚多干文罔僕不欲窮竟損足下名足下其自愛

二年壬戌公三十九歲 二月公坐廳事胥吏奔告劉宦遣力鎧吏去公不信告者三至公乃親詣其第鎖者及門乃命脫吏鎖以鎖其奴笞之下獄值攷選或曰公已成名宛上似此

忠端公年譜舊本

二

盤錯宜俟後人公曰吾志掃姦鄙今當前而避之羞稱執法之吏矣時訟劉宦者數百人悉爲斷理收其僮客臨死劉宦飛章京師左都御史鄒南阜由此知公曰凡吏當瓜期外惕於情面而內護其攷選不惜違道千百姓譽也是獨彈擊強宗臺中人物也是年分校武闈有偕馬仲良校士次韻請考授御史懸缺假歸季子司輿公生

三年癸亥公四十歲 公家居晦木公詩云吾憶八齡前癸亥

先公此日尚家居高堂臘酒頻爲壽稚子春鐙嬾讀書可見其概云七月從水路至十月到京姚太夫人隨任任山東道監察御史上請用講學名賢疏以左都御史鄒元標副都御史馮從吾之罷也上明職掌疏謂凡用人理財官守言責一切核其職掌也上請簡巡撫疏謂年來巡撫一缺祇供京堂奔走而外之司道修力封疆敷歷風塵卽有英英自命概置不問也上請復召對疏謂祖宗時有朝午二朝有便殿召對羣臣得更進而言事其制當復也



四年甲子公四十一歲

京師地震三月十六日公陳十失劾

奏魏忠賢客氏疏謂阿保重于趙嬈禁旅近于唐末蕭牆之憂慘于戎狄毫末不札將尋斧柯言甚悚切天啟初閣人魏忠賢帝乳母客氏干涉外廷臺諫有及之者而言者皆絀是後四年之中莫之敢指公獨發憤悃幅中旨廷杖韓相國爨救之得罰俸上辯鄒吏部維連孤介疏公為鄒匪石先生門人不欲有言而竊歎古道之難行又懼公是之漸泯則義不能已於言也上劾奏逆奄魏忠賢疏因六月間堂官楊忠烈公上二十四大罪疏相繼而發也上諫廷杖萬工部燬劾奄人魏忠賢疏謂為廷杖之說者必曰祖制不知二正之朝王振劉瑾為之世廟之時張敬孚嚴嵩為之神廟初年張居正為之奸人為所欲為惟恐忠臣義士之撓之也後世有秉董史之筆作朱子之綱目者書曰某年某月某日工部郎中以言某事死豈不為聖明之一累哉公自分與璟同口賴政府力護得免公于癸甲之際後先數月間疏凡十三上皆關軍

忠端公年譜舊本

三

國茲不具錄

五年乙丑公四十二歲

三月出都門奉茶馬差主事曹欽程

劾公前疏有推擇名賢以重風紀者陰為高忠憲地遂削籍

六月逮楊忠烈魏忠節為闖人所害公哭之於野慟公歸家

集中有買菊數種閒坐紙鸞野園山窗等詩烟眉讀後諸書二月奉茶馬差削籍三月也

六年丙寅公四十三歲

崔呈秀得志疑前高中丞所發其職

案公有力焉時有昵新參者欲借忠賢仇為替身媒因啖其

門生曹欽程撫公輩上之而公削矣忠賢尚賺賺又嫉織造

李實於蘇撫疏中擯公等名而公逮矣且謂公家居講學與

忠憲之屬交私四月詔下徵公連坐者六人烟眉讀後諸書三月有旨七人並逮公以四月

疏下云有議緹騎至吳為百姓箠死失駕帖所在弗克前公聞

即投牒行或言亡命縣令祁逢吉操兵到門公在道聞之移

書逢吉曰抱頭鼠竄豈免一死昂首伸眉落得骨頭香耳君

何小視海內男子也時高忠憲以大臣不辱自裁周忠惠遂

遠未至公就獄時訊者問賊幾何公厲聲曰清風明月名山



大川皆吾賊私何必問乃公爲訊者知不可窮以詞止有撈掠懸坐耳在獄中偕李忠毅周忠介周忠毅繆文貞四公者慷慨怒罵繼以詩歌門人徐忠襄私之公曰子無用戚我我於此豈減黃霸之授尚書哉魏忠賢使許顯純以次掠考李忠毅嬰病公考竟次李忠毅乃公復就考顯純詰之公曰李公不任楚劾吾代受之魏忠賢又次第使其私人害諸公存者惟李忠毅與公忽一日伍伯執巨纒視公公曰若欲殺我乎何色之遽伍伯曰何與小人事上宮勒取官病故狀矣公北面再拜謝君南向再拜謝父母賦詩一章卒後六月朔也又三日而李忠毅亦死炳屋謫李公卒於公卒之日此云三日謫後一年烈皇卽位魏忠賢以謀反誅贈公太僕寺卿賜祭葬謚忠端

右忠端公年譜舊本

炳

弱冠時見於敬旃從兄

處從兄

謂炳曰先祖稱圭公

麟

所編輯也忠端一生大節盡在是

矣炳乃敬錄一通

弄之笥兵燹迭經典籍殘燬此本幸存

茲刻拙編年譜既竣遂附刻之以見濫觴之始云丙子花

忠端公年譜舊本

四

朝前三日炳屢謹識於雷書種閣



黃忠端公象



仍孫炳屋敬摹

黃忠端公年譜像

金玉精神鳳麟儀止戕冠絳袍觸邪則  
薦凜正色於蘭臺抗直聲而如矢及夫  
一死與日月爭光允矣不愧男子而惜  
公者猶存乎少視奉公八年以往之音  
容儼然夔臯自擬初試虞廷讓九官而  
作士噫嘻曷齋公志以爾乎茫之千載  
伊誰後死

公像傳自官司理時  
距蒙難之日八年矣

崇禎戊寅五月山陰友弟劉宗周拜撰



黃忠端公年譜卷上

八世孫 炳屋

編輯

公諱尊素字真長號白安浙江紹興府餘姚縣人也黃氏

系出潁川靖康之亂遷於婺源有仕為慶元今甯波府通判者

佚其諱建炎時金人破慶元不屈死子三人分地避兵一

居定海東發之始祖一居慈谿竹墩一居吳興亦慈地居竹墩者

諱萬河字時通號鶴山尋徙餘姚竹橋是為吾族之始祖

維時離亂之餘力田給食不遑誦讀故下四世失名諱僅

存行次第六世諱堂字世堂七世諱貴字文貴八世諱尹

黃忠端公年譜上

字子尹九世諱安祥字安之十世諱杲字廷杲十一世諱

璽字廷璽號小雷兄伯震號大雷商於外十年不歸小雷

公往尋之裂紙數千書兄之里系年貌為零丁榜之寺觀

街市經行萬里無所遇禱於衡山夢有誦沉縣盜賊際狼

狽江漢行者覺疑不祥遇士人求占告以故士人曰少陵

春陵行句也春陵今之道州盍入道州尋之府君至道州

傍徨訪問音塵不接一日秦厠置傘路旁大雷過之見傘

心動曰吾鄉之傘也視其柄見府君姓字方愕貽問而府

君出相視若夢寐詢其故具以告兩人哭失聲道路觀者



亦泣下時大雷已家於道州府君卒挽之歸

明史有傳南雷文約有萬

里尋

兄記十二世諱諒字素庵是爲公之高祖治生厚富有乞

貸者辭其券春夏之交困有餘粟往來里門而告之曰不足於粟者往之吾家里人囊橐隨之纍纍猶外府也已而里人曰無不足者始召他村之告糴者與之年八十而逝曾祖諱稔號東河年逾四十無子乃使其從子讀書敬事從子之師家人之食飲無敢視於師者五十歲而贈太僕生贈太僕諱大綬別號對川公之祖也生五月而孤爲人精敏十五歲官役爲庫子老吏不能欺考諱曰中號鯤溟

黃忠端公年譜上

二

以易教授吳興五經左氏內外傳國策莊騷隨舉一句應口誦其全文與人言亦必原本經傳一邑利害他人不敢言者府君獨言之嘗議南糧事府君言是役破家不一不如以道里之費稅畝而官解之有蔣太常者

名一曰稅畝

聽

則均役非搢紳之利府君曰吾所言者諸君子孫計諸君

能保後世之不降爲皂隸乎時父老子弟會者千人皆竦

聽歎息逢贈太僕之怒必伏地請扑有爲府君解者府君

麾之曰吾以大人釋怒爲喜不以免扑爲喜也安定公

始

祖鶴

山公祠宇將圯府君撤而新之不以煩宗人娶盧淑人生



四子公其長也公初名則燦數試不利夢族祖景州公謂之曰盍名我之名景州公諱尙質覺而異之遂易今名聯捷成進士授甯國府推官除山東道御史劾奄遇害崇禎

時贈太僕寺卿賜祭葬再贈兵部左侍郎諡忠端著有文

集六卷

文畧三卷詩畧二卷說畧一卷崇禎戊寅詩集先授梓於金陵楊維斗先生有序康熙丙辰相州許

西山先生梓全集序之鄭子禹梅亦有序其板旋燬於杭城臘脂橋丁丑崑山徐果亭先生重梓 四書絨

八卷隆萬兩朝列卿記二卷

文畧有序懷謝軒講義若干卷今

惟集六卷行世講義節入明儒學案

宗譜參家錄

明萬曆十二年甲申十一月十三日公生

謹按麻法推之乙酉日也

黃忠端公年譜上

三

公生數著異故封太僕公每奇之長有大志豐頷廣額瞻

視若神峩峩巖巖如泰山峙而白玉冠也

徐撰行狀

十三年乙酉公二歲

九月初十日王父對川公四十生辰

諱諱攷

十四年丙戌公三歲

十五年丁亥公四歲

十六年戊子公五歲

是時對川公知公必貴嘗問曰孫之推封其祖父何品及之公對曰三品後公以七品死節天子特恩竟如公之對



云家

十七年己丑公六歲

十八年庚寅公七歲

十九年辛卯公八歲

二十年壬辰公九歲

二十一年癸巳公十歲

八月初五日王母章太淑人五十生辰諱改

二十二年甲午公十一歲

是歲無錫顧涇陽先生憲成時為文選司郎中削籍歸與高梁溪攀龍

黃忠端公年譜上

四

錢啟新一諸先生講學東林宋儒楊龜山先生講道處海內聞風景附

往往諷議時政裁量人物朝士亦遙相應和由是東林名

大著綱目三編

二十三年乙未公十二歲

九月初十日王父對川公五十生辰諱改

二十四年丙申公十三歲

時中官奉使開礦秋冬之間礦使相望於道十月中官奉

使徵稅稅使四出有兼礦務者明史

二十五年丁酉公十四歲



六月戊寅日

十四

皇極中極建極三殿災

明史

公少負軼才

摘詞揆藻下筆不能自休

錢撰墓志

自述詩所云憶昔十四五

膽氣豪且闊志欲搜墳典窮盡古今碣讀時頗強記下筆

亦自傑是也

詩畧

三十六年戊戌公十五歲

是年季弟季真公生

諱葆素南雷文案季真先生墓銘

二十七年己亥公十六歲

二十八年庚子公十七歲

二十九年辛丑公十八歲

黃忠端公年譜上

五

元配翁夫人來歸約在前後數年間夫人大司馬見海公

諱大立

之從曾孫詩人祖石先生

諱月倩字元美後改名之逸有後輩碧軒詩稿

姊也

南雷文案謹按翁氏家乘見海公仲弟孔顏孟三氏學教授諱大音字見嶽生五經博士諱時正字春

卿春卿生日永字久鎮久鎮二子長日清次席生月倩女一卽翁夫人也

三十年壬寅公十九歲

是時鯤溟公以易爲大師諸生應試以文先定其次第無

不奇中

世譜

故公亦明於陰陽消長之理君子小人進退之

幾

徐撰祠堂記

三十一年癸卯公二十歲



八月初五日王母章太淑人六十生辰誕諱

三十二年甲辰公二十一歲

正月十一日鯤溟公四十生辰 八月十二日謹按麻法推之庚寅

也元配翁夫人卒存年二十有一並誕諱致 是歲東林書院成天

下君子以清議歸於東林廟堂亦有長忌明儒學案

三十三年乙巳公二十二歲

五月丙申二十鳳陽大風雨毀皇陵正殿庚子二十雷擊

園丘望竿明史九月初十日王父對川公六十生辰誕諱

三十四年丙午公二十三歲

黃忠端公年譜上

六

是時季弟季真公九歲仲弟白崖公諱等叔弟靈超公諱

素少於公僅數歲耳延張兩如先生諱圭章即著水司馬之父教授諸

弟此數年中事也見文約著水張公墓銘

三十五年丁未公二十四歲

七月十八日盧太淑人四十生辰誕諱

三十六年戊申公二十五歲

秋作清景賦序云戊申秋郊居無事紅樹白雲清景襲人

因念造物無藏何地不然在人自取遂暢而賦之然未可

為當場人道也文畧 公又有壯懷賦序云余幼落拓不肯



斤斤作俗士面孔長逢數奇歲月漫漶壯懷未展云云文畧  
當亦在此數年中

三十七年己酉公二十六歲

續娶姚夫人太僕寺卿諱翔鳳之從孫女鄉飲大賓諱克

俊字順之女世居上虞澄湖來歸時年十六長羣婦三世

同居內外數十人贈太僕公治家嚴肅羣婦時有譙讓而

獨賢姚夫人曰新婦大家氣度無儒酸農瑣之態他日定

爲貴人顧我不及見矣南雷文約公在家每食必入侍太僕

公與太淑人煦煦育若乳下兒語必至夜分視太僕公

黃忠端公年譜上

七

太淑人寢然後就枕席率以爲常太僕公謝家政公身任

家督撫三弟而訓教之行狀

三十八年庚戌公二十七歲

八月八日長子文孝公生諱宗毅與孔子生物只差一字南雷

文定五集

三十九年辛亥公二十八歲

四十年壬子公二十九歲

是歲顧涇陽先生卒自後臺諫右東林者並出而東林爲

天下大忌諱矣明儒學案



四十一年癸丑公三十歲

五月暨與鄭奉義暨族人元素遊上虞白雲山鳳鳴洞有

記文

是歲兩遊剡湖亦有記

剡湖在姚邑通德鄉以其景物之勝擬諸剡中故名

謝文正讀書於此文畧

八月初五日王母章太淑人七十生辰是

月乙未

十日

章太淑人卒

十一月丁丑

二十日

王父贈太僕

對川公卒

並諡諱攷

公試輒不利讀書著雪間擁萬卷作百

城日誦數千言抱膝高吟曠懷今古一切碌碌不平輒託

之詩賦以自見人或迂之或狂之公夷然勿介意也

行狀錢

撰墓志亦云年三十未補博士弟子員授徒若雪間意豁如也

公與管僊客成同學管

黃忠端公年譜上

八

為孫清簡

繹

之孀妻亡再娶不得意棄其家業浪跡江湖

公寄以詩曰僂蹤飄泊徧滄洲想見歸懷百緒愁繚繞畏

途殊自苦消沈壯魄欲何求應知毛骨生難換須識乾坤

老自休易水歌聲羽徵狂寒雲漠漠樹聲秋

姚江逸詩二首今錄一

四十二年甲寅公三十一歲

正月十一日鯤濱公五十生辰

誕諱攷

公以周易誨授著

雪間學者曰窳

陳撰祠堂碑

公學不專章句肆力於詞賦不

名一家精於典故言事皆有原委

文撰神道碑中有虎邱看月賦浙江

謹按集

觀潮賦宋科目考宋賦考俱選入明文授讀



四十三年乙卯公三十二歲

學使口宗師行部東浙按試紹郡公補博士弟子員是時

公於書無所不窺下筆輒數千言性強毅喜氣節見人有

乞憐態竦裔嫵媚必咤之若昂眉強項與公爭是非公即

媢媢聽行狀參通志館於甬上洞橋董氏長子文孝公從元

學案攷畧五月己酉四日張差持梃入慈慶宮太子所居擊傷守門

內侍被獲伏誅明史秋應浙江鄉試正典試編修吳青門

先生諱宗達直隸宜興人甲辰一甲三名諡文端副典試戶科劉戴源先生諱

炳直隸甯晉人戊戌進士首題為人君止於仁二句次題知者樂水一

黃忠端公年譜上 九

章三題古之人與民一句公中式第五十八名舉人房師

鄒匪石先生諱維璉江西新昌人丁未進士行狀參貢舉考畧進士便覽謹考浙江通志是科本

省中式九十七人加額七名自是科始解元湖州馮銓與

涿州同姓名浙人中式順天者十八人錢士升與焉中式

應天者九人中式山東者一人中式雲南者二人中式

貴州者三人後成進士者五十人而十八人則連捷也

四十四年丙辰公三十三歲

春應禮部會試總裁內閣吳曙谷先生諱道南江西崇仁人己丑一甲二名

論文諱文尚書劉衡野先生諱楚先湖廣江陵人辛未進士首題君子惠而不費五句次題人道敏政三題為人臣者懷仁義以事其君至懷仁義以相接也公中式二百一十口名進士易一房



謹按公禮闈房師行狀墓志本傳遺集俱不見姑闕以俟考又按是科新建萬忠貞燦嘉善魏忠節大中江陵李忠毅應昇俱同榜會元吳江沈同和文係同邑殿試第三甲趙鳴陽代作趙亦中第六名事覽並誦成

一百八十二名一甲嘉善錢士升江夏賀逢聖同安林鈞後俱大拜二甲南昌楊宏備等六十七人

三甲二百七十四人貢舉七月辛未日仲子晦木公考畧參進士便覽題名碑錄

生諱宗炎公以開物成務為學視天下之安危為己誕諱攷

之安危未嘗臨講席而風節相許者則劉蕺山高忠憲魏

忠節李忠毅諸公為砥礪性命之友明儒學案

四十五年丁巳公三十四歲

任甯國府推官姚夫人及長子文孝公仲子晦木公俱隨

黃忠端公年譜上 十

任吾悔集公下車即飭法令嚴墨吏問疾苦去疵癘凡有所

平反直指臺即甚怒即公必曰法如是止也其所予重比

直指臺即哀矜之即公必曰如法何久而上臺益相信至

釋其所為非是而非是公行狀時湯祭酒免歸鄉里號為

宣黨之魁者其門生滿天下有司惟恐不得其懽一郡之

事祭酒多先受牒判之有司理牒投牒者出祭酒所判有

司判之一如祭酒相沿成習公視事有出祭酒之牒者公

怒曰湯祭酒乃欲土司甯國乎裂其牒扑出牒者郡中震

慄涇令初著叨穢聞之曰是不畏湯祭酒者何難按舉吾



屬哉終公任不敢為姦利事

家錄 謹按萬季野明史稿祭酒名實尹

公與

虞乾颺周柱瀛胡芷漁同作江南司理政簡刑明每會必

四人其一公署如布衣交江南傳為盛事

日盧太淑人五十生辰誕諱公服官後以次第白崖公

代身為家督凡積俸一鎰半銖皆付次第即衣履扇箸凌

雜瑣細無一入姚夫人囊者

四十六年戊午公三十五歲

春白氣亘天自東而北四月辛卯京城宣武門至正陽

門河水盡赤經月乃止甲辰十四日大清兵克撫順五月

黃忠端公年譜上

丁未二十日克撫安諸堡七月戊申二十日克清河堡明八

月公充應天鄉試同考官行狀是科正典試鄭子器論德偉

上饒人辛丑進士副典試來路然贊善宗道蕭山人甲辰進士首題子路問

君子子曰修己以敬次題遠之則有望至蚤有譽於天下

者也三題心之官則思貢舉考畧公所取士必樸屬微至去靡

漫者得十人嘉興徐虞求石麟崑山朱游初天麟吳縣金宜蘇

後俱死於王事行狀參文定謹按集九月乙卯十三日

長星見東南十九日而滅十月乙丑十日彗星見氏宿三

十九日而滅明史清川王公同知甯國府事後移守臨安



屬雲 公作序送之文 是年叔子澤望公生諱宗會 誕諱攷

四十七年己未公三十六歲

春正月蚩尤旗見長竟天綱目三編三月經畧楊鎬帥師出塞

敗績四月京師河水復赤六月己巳十八日大清兵克開

原癸酉二十熊廷弼經畧遼東明史公在甯國風旨孤奮

諸郡大獄撫按必移公訊鞫定賦役汰冗額制官解垂為

故事浙直煤山多納亡命爭訟連結公以江南樵薪不急

煤土嚴行禁絕神道第一碑

四十八年庚申公三十七歲

黃忠端公年譜上 七

七月神宗崩光宗立撤回監稅內璫盡罷天下礦稅發帑

金犒邊以葉向高自其家劉一燝韓爌史繼偕沈灌朱國

祚何宗彥為東閣大學士 八月庚申十五蘭州黃河清

凡三日是月光宗有疾召見閣臣方從哲等於乾清宮晦

日鴻臚寺丞李可灼進紅丸九月乙亥朔光宗崩熹宗立

以七月前為萬曆四十八年八月後為泰昌元年明年為

天啟元年 賜太監魏進忠世廕後改名忠賢封乳母客氏為

奉聖夫人 罷熊廷弼以袁應泰經畧遼東 孫如游入

閣預機務明年閏二月致仕方從哲罷並明史公嘗謂魏元法僧



道武 後年號天啟梁永嘉王 莊 偽漢陳友諒皆號天啟 謹按元時

徐壽輝僭號天啟後 今上御極閣臣禮部於疊見史傳者 為其下友諒所殺

曾不一效而復用之不獨於今為然永樂之號前涼張重

華宋蠻賊張遇賢及方臘亦三用之天順則元阿速吉八

正德則夏主李乾順泰昌則西魏孝武 尋改元熙 雷同如此正

德初冢宰出選題宰相須用讀書人蓋譏之也 說 楊大

洪 漣 首倡移宮左共之 光 力贊之李選侍出居職鸞宮 楊

以熹宗無嫡母生母李選侍嘗邀封后非可以冲主付託故請移宮 賈繼春上書言當安選

侍以成皇上之孝忤旨削籍時上傳選侍迫虐皇母仇不

黃忠端公年譜上 七

共戴賈危於朝露公對客曰上未御極之先移宮為是御

極之後安選侍為是兩者只爭先後不分是非 說畧參明史

天啟元年辛酉公三十八歲

春公兼攝糧事督運蕪湖總會六邑漕計暫莅長河潘景

升 之 以詩見贈且議修江上志公次韻以復 李季重郡

伯招飲黃山 山在太平府當塗縣西北 二月同胡助之和州返棹呼

舟子沿采石磯訪探諸勝以馬仲良 之 曹元甫 履 諸子循

背覓奇向公獨誇所得也俱有詩紀之 詩畧 是月遼陽有

數日並出三月 大清兵取瀋陽遼陽經畧袁應泰等死



之綱目

三編公有石臼湖中憂東事詩

詩畧

同王伯后林句容

登茅山流觴

山在江甯府句容縣卽句曲山

候直指未值留溧水署中

數日 溧邑神君之後春暮構成一亭翠色氤氳飛鳥上

下郊外之概一望俱收張癡生要公遊井請顏之公題曰

深秀亭並紀以詩

同上

宣州衛故事運軍造船運官常例

乾沒於是漕運失時公更定官造盡除積弊

神道第 二碑

四

月見蓼花於池陽五月宿蒲橋鋪俱有詩

詩畧

王化貞巡

撫廣甯熊廷弼經畧遼東

明史

南陵道中逢大雨晝夜不

絕山水驟溢平地至深尋丈行者俱不能從公爲多方獲

黃忠端公年譜上

西

濟得至腕上感賦二首結句云濟時應有微權在如此風

波亦可行 隨直指之太湖 遊太湖龍山示王伯后

舟泊閶門約同官遊荷花蕩懷申維烈

紹芳

新秋寄眺軒

懷袁小修

中道

俱有詩 司禮監王安爲光宗所親信泰

昌在位一月發帑停稅諸善政一時並舉安之力也

說魏畧

忠賢與容氏忌安持正矯詔充南海子淨軍殺之忠賢始

專內柄

明史

秋暮公與周玉汝

汝璣卽柱瀛

登九華

在池州府青陽縣

同胡馨寰虞乾颺周玉汝集涵秋亭 遊華蓋洞

洞有寺久廢

太守胡馨寰興復 秋後同虞九階周玉汝王伯后袁小修集曹



元甫攜謝閣俱有詩 分校武闈有偕馬仲良次韻詩

畧 何天玉 棟游肩生士 任各出募兵游開君子館於廣陵

孜孜募客宛有姚生仗策往謁公問何以進說對曰今遼

瀋陷沒所枉失利為兵未有機耳公笑曰機字固美然譬

之文字必詞采局陣題脈理致數者備而機運乎其間今

之行兵者如孺子方習伊吾輒欲伸紙其可得乎生無以

應說 公有與游肩生書 文 甯國有劉氏登戎戎第從上

江道罷歸畜僮僕數百人養陸博酒徒數十輩田宅子女

之美少者皆鉤致之置私獄受訟榜掠一如有司是年冬

黃忠端公年譜上 五

公兼攝郡邑事凡號泣於庭求死不得者為劉也凡奔竄

於市破巢毀卵者為劉也公間拘一二鞫之扑其助虐數

人術楊於市為書諭曰足下僮客猥雜姦利事益多僕不

欲窮竟損足下名足下其自愛 文畧書宛上事主一公註云問宛人劉宦名冲斗

謹案貢舉考畧題名碑錄萬季野明史稿俱作冲斗冲字誤 再渡腕上懷虞九階

送關粵良 驥 知府入覲 桐城曉發 過小池驛羅近溪

先生茶池亭 近溪先生名汝芳明儒學案有傳 俱有詩 畧 福清葉臺山

高再相 時為首輔 中外想望手采客有談及此者公笑曰此老

最下則再入中書耳 說畧 謹按張江陵沈四明罷相後政歸臺諫有虛言而無實事入閣者



俱模稜首鼠避  
事避言故也

公受誥命有寄劉啟東詩

姚江逸詩作寄荅丁長孺

名元薦

云惟恐辱絲綸安知來璀璨

詩畧

十二月辛巳

四

曰上有一物覆壓忽大風揚沙天盡赤

明史周朝瑞傳

神宗

末齊楚浙三黨操黜陟之權

謹按明史夏嘉遇傳齊則給事中元詩教周永春御史韓

浚楚則給事申官應震吳亮嗣浙則給事中姚宗文御史

劉廷元而湯賓尹輩陰爲之主其黨給事中趙興邦張延

登徐紹吉御史駱駿曾過庭訓房壯麗自周嘉謨爲吏尙

等相與倡和務以攻東林排異己爲事

綱目三編

大起廢籍惡霍維華傾險出之外魏奄怒嗾給事中孫杰

効嘉謨罷之

是年有自述詩一憶昔十四五膽氣豪且闕志欲搜墳

黃忠端公年譜上

十六

典窮盡古今禍讀時頗強記下筆亦自傑偶然竊伊吾

兼咏便馳突去而學訓詁昏昏若滅沒移卷就圖書精

大神相欣悅便欲棄時文一意攻古業無奈公令嚴舍此

進取絕頰首勉爲之何以入彼窟十載去干人到處遭

缺折父師相勸戒爾其勿計拙今古不同途志分空勞

切自念長貧賤吞聲安敢說盛氣也可降篋筥竟自割

隨時施朱鉛我妝亦濃抹一朝獲十禽古語於今烈我

技雖薄售壯心終已奪漢魏知何體盛晚亦久別隨人

誇篇章我焉敢嘖喝棄置近十年重將門戶列靈之以



山水擴之以風月窅兀天地間至樂未嘗闕 同周玉

汝登九華七首太白陽明千古雄雲封煙斷草萊中好

題不朽兩君子合作名祠瞻禮同公又有與周柱藏書云太白陽明殘碑荒

字誰肯為兩先生一新廟貌者當玉成青令做此好事亦吾兩人山中一段佳話也 謹按九華本名九子山

太白易今名陽明以宏治辛酉遊九華遇蔡蓬頭及地藏洞異人

二年壬戌公三十九歲

正月 大清兵破西平堡王化貞棄廣甯與熊廷弼走入

關綱目長子文孝公回姚應童子試文定二月公坐

廳事胥吏奔告劉宦遣手力鎖吏去公不信告者三至公

黃忠端公年譜上

七

乃親詣其第鎖者及門乃命脫吏鎖以鎖其奴管之下獄

文畧書值考選或曰公已成名宛上似此盤錯宜俟後人

公曰吾志掃姦鄙今當前而避之羞稱執法之吏矣時訟

劉宦者數百人悉為斷理家錄是夜劉氏火則自焚其所置

私獄也已又遷其貲重不測所謂越三晝夜火大作所謂

壯麗擬於王居者忽為煨燼蓋劉欲以此陷公也或曰其

弟利兄之財欲因亂以掩之創此謀耳劉旋悔其計失亦

無及矣遂出間金飛章南北以致難於公江右易白樓應昌

方按茲土核其狀具疏題請戍其奴二人配其黨十餘人



掌院鄒公南皋元標見劉氏飛章歎曰黃君利刃以齒腐朽

其風裁何必滅范孟博哉吾臺中不可無此人物文畧書宛上車

公有與甯國鄉紳公書文畧孫承宗為東閣大學士尋經畧

遼三月劉一燝致仕以沈淮與魏奄比而齟之也後刑尙

王紀再疏劾淮淮不自安乃引去綱目三編公考選北渡采

石郡民沿途號呼而送者數萬人至滁陽不絕文畧入都

門考授御史時左都御史鄒公元標副都御史馮公從吾

建首善書院於京師與高公攀龍輩講學公規之曰都門

非講學地徐文貞已叢議於前矣文貞諱階華亭人世宗時在政府為講會於靈

黃忠端公年譜上 文

濟宮鄒公不能用給事中朱童蒙郭允厚郭興治文章劾鄒

馮植黨沽名並罷歸綱目三編參本集公有上鄒南皋先生書畧

先生三出而不能三年淹直道事人從古然矣某以迂疏

之質僅留赤子之心亦豈能浮沈善世吾人之所以自立

富貴之中便足了事也文畧是時朝士空疏以通

記為粉本不復畱心於經學章奏中有引繞朝之策者一

名公指以為間公曰此晉歸隨會事也凡五經中隨舉一

言公即口誦傳疏瀾倒水決類如此明儒學案諸君子日追

理挺擊紅丸移宮三案斷斷爭之或謂公曰今論人者以

三案為鑑公胡無說於此公曰三案已為成事今日宮府



所急似不在此家錄

七月庚戌十六日

季子司與公生

諱宗轅

司與公曠志

光廟與熹宗兩次覃恩薄海內外但沾一命者

俱得榮親如其官公隨班具題亦得邀封二親然以恩榮

太濫心竊憂之未幾時相當國不論清濁賢否大臣小臣

概追誥命造物乘除之理在識者已先見之矣說畧

公假

歸秋雨後出都門有詩又有梁原鋪中邯鄲道中過黃梁

祠過鄴下湯陰謁武穆祠濠上和馬瑤草等作詩畧

又杞

縣書懷起句云杞國初經問杞人憂天何地不傷神時有

鄒滕之傲也

詩畧謹按是歲六月白蓮妖賊徐鴻儒破鄒滕二縣

是歲胡芷漁

黃忠端公年譜上

尤

考選得掌科周柱瀛亦入臺中

辛酉秋虞乾颺以憂去不與考選

公會虞

乾颺於鴛湖極慶彈冠之盛說畧

梁原鋪中讀張見平

銓題豫讓橋詩有感

二首見平巡按遼陽城

陷自縊

驛壁留詩壯士遙黃昏淡月草蕭蕭千秋空望遼

陽鶴此地猶存豫讓橋想像遺蹤意氣豪悲歌慷慨愧

吾曹男兒一死終須有獄吏何如馬革高湯陰謁武

穆祠寫懷

三首鄴下纔經罵老瞞鄂王祠畔檜枝寒兩好

俱保頭顱老遺恨千秋讀史殘由來血膽被讒傾豎子

自摧萬里城只恐階前鞭檜者此身半是鐵鎔成時事



艱危借宋論幾回憤惋欲排闥於今便有精忠骨三字

終須作獄魂 大年兄不與考選一首 謹按大年名可師與公同榜進士

其先世從竹橋從蕭山大藏見黃氏續錄世事俄翻一局回慧心人遠碧雲

隈從來天地名為累到底河山急倚才讒骨應知拈手

是妬眉誰待入宮來自憐康樂猶如此況復如余樛櫟

材

三年癸亥公四十歲

正月顧秉謙朱延禧朱國禎魏廣徵並為東閣大學士是

歲朱國祚史繼偕先後罷明 公家居寡交游惟兩鶴相

黃忠端公年譜上

三

與清嘯不肯輕出見郡縣長及干謁事行狀長子文孝公

補仁和博士弟子員文定五集六月癸亥入南斗謹按麻法推之是歲

六月中旬火星從斗東退入斗魁至七月中旬猶雷斗中下旬始順行出斗魁也議者洵洵不知

主何吉凶公考占驗主饑荒嘉靖二十二年癸卯七月入

南斗謹按麻法推之火入南斗係嘉靖二十三年甲辰此云癸卯恐有誤東南大饑是其應

也說七月公從水路北上有登北固山凌雲亭晚渡揚

子河口逢羅心華掌科等詩詩畧姚夫人及文孝晦木諸公

隨行文案九月宣州施運官謁公迦河舟中談宛上事言劉

宦焚餘尚畱兩廡今七月又為雷火所盡公歎言不祥之



物天人共棄也

文畧書宛上事

十月翁祖石先生同至京邸授晦

木澤望兩公句讀祖石能詩公舟中雜詠所云共坐得詞

人是也

文案

任山東道御史時魏奄竊政黨論方輿楊忠

烈左忠毅諸公多夜過公邸議論時事燭累見跋魏忠節

見過尤數每過必以小人陰謀相告形之歎息

吾悔集

上

請用講學名賢疏乞召還余懋衡曹于汴劉宗周周洪謨

王紀鄒元標馮從吾蕭近高饒位諸臣又劾尚書趙秉忠

侍郎牛應元通政丁啟睿頑鈍趙牛俱引去

明史本傳參文畧

上明職掌疏謂用人理財官守言責一切當核其職掌若

黃忠端公年譜上

三

滄滄訛訛左挑右激嗾蚌鷓之相持喜水火之日沸不載

胥及溺不止矣

文畧

山東妖賊

徐鴻儒

既平餘黨復煽巡撫

王惟儉不能撫馭公上疏請簡巡撫言巡撫本內外兼用

今盡用京卿不若敷厯外服者之練習

明史本傳

帝在位數

年未嘗一召見大臣公上疏請復召對謂祖宗時有朝午

二朝有便殿召對羣臣得更進而言事則無不達之幽隱

御前得面奏而取旨則無不剖之大幾今此典久廢急難

驟舉乞於講筵之下勤垂清問聽大臣剖析精詳繇此而

御門親決由此而召對傳宣樂此不疲矣

明史本傳參文畧

高



陽孫承宗字愷以閣臣經畧薊遼信任大帥馬世龍公數

陳邊事力言世龍不可用雖忤高陽意而高陽未嘗不引

公為益友明史本傳參正氣錄魏奄勸帝選武閣鍊火器又日引

帝為倡優聲伎狗馬射獵至是內操增至萬人衷甲出入

鉦礮聲喧震內外公與侯震暘字得一嘉定人嗣曾之父等先後疏諫

皆不聽綱目三編欵人汪文言字士克智巧任術負俠氣萬厯

末于玉立字中甫金壇人主持東林壇坫遣入京刺事輸貲為監生用計

破齊楚浙三黨察東宮伴讀王安賢傾心結納光熹之際

諸善政安與南昌劉一燦同心共濟文言交關力為多福清

黃忠端公年譜上

葉向高題授內閣中書一時正人蒲州韓高邑趙南應山楊

桐城左光斗嘉善魏大俱延之入幕明史魏大中傳參嘗欲

知公公不與見曰夸者死權賈子文言之謂乎文撰神道碑

總督遼撫俱以艱行議者欲推轂李懋明華熊壇石邦兩

公俱江右人其鄉人力爭不可推喻養初安性縣人嵎為巡撫

而止次日章魯齋忿忿謂公曰豈我江西人便可喫虧如

此公曰當今要緊官第一督撫推轂熊李二公還是重江

西今推喻養初豈喫虧我浙耶說畧癸亥冬三字節首刪公有與喻

養初經畧書文畧先是左都御史趙南星與吏部尚書張



問達同主癸亥察典黜給事中元詩教趙興邦官應震吳

亮嗣即齊楚中之持局者目為四凶天下快之至是問達去位南星為吏

尚銳意澄清盡布諸君子於要路此句見劉子全書然徑情直行

蔑視政府福清以下多不悅綱目三編參先撥志始十二月魏忠

賢提督東廠許顯純為鎮撫司理刑先是客氏魏奄恐宮

中人白其罪惡矯旨賜光宗選侍趙氏自盡幽裕妃張氏

於別宮殺之張皇后數於帝前刺客魏過失是年后有娠

客魏以計墮之帝用此乏嗣又掩殺帝所寵馮貴人幽李

成妃於別宮至是忠賢每出僭用乘輿毒痛士庶威加搢

黃忠端公年譜上 三

紳生殺予奪盡出其手綱目三編是月兩京鳳陽蘇松淮陽

泗滁同日地震同倪玉汝元璐上虞人為庶吉士虞邑有二

人當出其一人欲攻倪出之公倡言倪之文望非詞林

不可乃止思舊錄

是年重九後一日舟泊河口阻風抱悶忽漏五鼓夢得

風順濟覺即大叫舟師前進果應神異有詩首江空木

落五更時似有神人告語私大約時危憂主渴偶於想

極得風奇亂帆颯颯趨漕急疲驛蕭蕭應手遲寒色稍

侵輕袂短舉頭子舍不勝思 舟中雜詠四首故國離



千里清秋入數旬  
再圓留月色  
冥坐得詞人  
對酒平沙  
曠移帆  
遠樹親  
窗無所事  
依斗望京頻  
文孝公曰詞人指舅氏翁

石祖

黃忠端公年譜上

二函

田



黃忠端公年譜卷下

八世孫 炳犀 編輯

天啟四年甲子公四十一歲

正月十一日鯤溟公六十生辰

誕諱致

是月日赤無光旁

有黑子

綱目三編

二月大風揚沙晝晦天鼓鳴如是十日

明史本傳

甲寅

日

京師地震宮殿動搖有聲三月丙辰日復震戊

午日夜再震庚申

日

夜復震者三

嘉宗本紀

是月十六日公陳

十失劾奏魏忠賢客氏謂封疆多故一二邊臣動輒傾軋

一失也濫功而誤國喪師者蒙廕棄勞而血守孤城者薄

黃忠端公年譜下

一

酬賞罰未章士多墮志二失也昨日所進又云資俸已深

今日所推忽而改圖復起孜孜汲汲似不終日三失也章

奏一出旁觀四起本淺語也而指為深心本直截也而指

為線索直言敢諫之氣搖於揣摩臆度之手四失也遼人

何罪窮困來歸而奸細風形輒為捃摭五失也戶工兩部

極為緊要其精神俱用於覆疏而不用為實事六失也市

井無賴好語兵革而入幕山野飽占炎涼一切中外衙門

盡屬此輩藏頭露尾七失也門巷街衢菴苴充滿率皆吮

血股膏八失也大臣牽顧身家依回日甚致令軍國大事



需忍歲月九失也議論龐雜言者自言任者自任域外操其短長而局中莫措手足十失也有此十失表則無度狂趨彌甚其何能仰答天心消弭災變乎又言陛下厭薄言官人懷忌諱遂有剽竊皮毛莫犯中厨者今阿保重於趙嬈禁旅近於唐末蕭牆之憂慘於敵國毫末不札將尋斧柯廷無諫幅邊無折衝當國者昧安危之機而誤國者護恥敗之局不於此時兼聽並觀進賢退不肖而疾剛方正直之士如仇讐陛下獨不爲社稷計乎疏入魏奄大怒謀廷杖之韓爌力救乃奪俸一年文畧參明史公有復申維烈

黃忠端公年譜下

二

書畧云投足春明僅僅五月飽看長安之所爲孜孜汲汲只了得門戶兩字而真正宗社大計邊塞安危神情全不屬焉看此世態能推多少時光文畧謹校申名紹芳相國文定時行孫與公丙辰同榜吏科程芸閣遷太常都給事缺出左僉憲光先期邀阮圓海大入部阮爲人滑熟眾意欲推魏廓園大左見眾心所向又欲

移而之魏阮意不平遂銜左魏入骨拜命一日尙邀魏廓

園章魯齋陳帖月及公數人瀝酒指天誓同肝膈次日卽

杜門拜疏詭言終養潛入逆賢之幕獻百官圖公責其身

爲禍始明犯清議蓋意在聯絡少衰其禍也說畧參神道

畧有止阮大先是給事中傅樾以兄弟稱於傅應星傅繼

鉞禍始書

文



教聞繼教奄人應星魏奄之養子也四月大鉞嗾傅榭出

疏言左魏引內閣中書汪文言為腹心壞朝政謹按此為外廷附內

攻東林之始遂下文言鎮撫司獄忠賢必欲殺之公與金吾頗

善嘉善書片紙求救於公云事急矣勿殺義士公語鎮撫

劉僑曰文言不足惜使搢紳之禍由文言不可密計不竟

其獄於諸公得無連染文畧汪文言傳參交約野史辨趙儕鶴冢宰南星

調職方鄒匪石為考功副院鄭元岳所薦也左浮邱魏廓

園亦從恩其間江右臺省傅榭章允儒陳良訓以同鄉不

與聞諱而出搗爭之或創為二千金通汪文言之說鄒聞

黃忠端公年譜下

三

之憤甚公上疏辨鄒吏部維瑾孤介言今之疑維瑾者謂

此物非無因而至不知維瑾生平大節願掛冠以救寶子

傅之賢而不肯從撫臺以羅織怒撫袁一驥以私憾搯布政寶子傅罪鄒公以去就

爭致繳檄以阻袁一驥之祠而不肯附監司以獻諛監司欲為

一驥建生祠鄒公抗詞力阻甯失考選而勿受有力之招呼甯忤權貴

而勿忍妖人之朋比主事譚謙益薦妖人宋明時能役神兵復遼左地鄒公極言其妖妄忠賢

矯旨譴責其心早已置一官於度外亦足曉然表見於天下矣

說畧參文畧端陽後以頭風舊恙杜門十餘日巾櫛不御庭

無雜客稍理殘書倦則布席箕踞合眼澄心耳邊盡謝餘



事公謂如拔宅火坑中也

文畧病中偶記

六月癸未

一堂官楊

忠烈

避

劾魏奄二十四大罪具疏將上公止之曰公大臣

也一發不中禍移之國矣忠烈曰何謂也公曰從來除君

側者必有內援公有之乎忠烈默然公曰無已奏中宮嬪

之事削其風聞

疏中及忠賢掩殺宮中貴人矯旨勒令裕妃自盡與客氏計墮后胎等事苟毫

髮不爲上所實則上不實其實矣不聽疏入魏奄辨上前

果自宮嬪事始忠烈被旨譙讓公憤抗疏繼之畧言天下

有政歸近侍威福旁移而世界清明者乎天下有中外洵

洵無不欲食其肉而可置之左右者乎陛下必以爲曲謹

黃忠端公年譜下

四

可用不知不小曲謹不大無忌必以爲惟吾駕馭不知不

可駕馭則不可收拾矣今忠賢不法狀廷臣已發露無餘

陛下若不早斷彼形見勢窮復何顧忌忠賢必不肯收其

已縱之韁而淨滌其腸胃忠賢之私人必不肯回其已往

之棹而默消其冰山始猶與士大夫爲讐繼且以至尊爲

注柴柵既固毒螫誰何不惟臺諫折之不足即干戈取之

亦難矣忠賢得疏愈恨

家錄參明史云時舉朝交章論劾內閣俱有公

揭雖奉旨切責然外廷多

正人忠賢未敢遽肆也

時諸君子出死力以濟屯蹇

朝端生色公獨見幾私心癩憂謂伏火將發亂形兆矣宜



用晦俟時少衰厥禍諸名賢交善其言而志欲搏擊羣陰  
義無他顧公遂決計曰甯不與諸君子同其功不願不與

諸君子同其禍也

范撰本傳

工部郎中萬燦抗章劾奄逆奄

矯旨廷杖一百越四日傷重卒

謹按兩朝劄復錄云此逆黨肆虐搢紳之始蓋前之

怒揚漣者藉此以雪之而覘外廷云

公上言律例非叛逆十惡無死法今以

披肝瀝膽之忠臣竟殞於磨牙礪齒之凶豎此輩必欣欣

相告吾儕借天子威柄可鞭笞百僚後世有秉董狐筆繼

朱子綱目者書曰某月某日郎中萬燦以言事廷杖死豈

不上累聖德哉進廷杖之說者必曰祖制不知二正之世

黃忠端公年譜下

王振劉瑾爲之世祖神宗之朝張璠嚴嵩張居正爲之奸

人欲有所逞憚忠臣義士掣其肘必借廷杖以快其私使

人主蒙拒諫之名己受乘權之實爲所欲爲莫有顧忌而

禍即移之國家燦今已矣辱士殺士漸不可開乞復故官

破格賜卹俾遺孤得扶櫬還鄉燦死且不朽

明史

巡城御

史林汝蒼咎內豎曹進傳國興忠賢又欲杖林諸言官詣

閣爭之小璫數百人擁入閣中攘臂肆罵諸閣臣俯首不

敢語公厲聲曰內閣絲綸地即司禮非奉詔不敢至若輩

無禮至此公身長八尺聲若洪鐘羣奄懾其氣岸皆辟易



而散明史參神道碑林先期逸去有言林爲福清葉向高之甥匿福

清所諸奄即蜂擁搜之公謂福清以元輔與內暱無一事

匡救至事不可爲妝聾做啞身受其辱即以政府被人搜

匿一事若平日稍有威望豈至此乎說萬郎中死後公

謂難發於楊大洪當必有疏入告跡之寂然因諷之去楊

曰除吾一身生死成敗莫要照管如死而有益亦是不妨

公曰士君子出處要分明今言既不用在朝何益身名俱

全者上也身死名存者次也楊頴之翼曰楊語李仲達過

公邸爲決去畱公爲書上之畱云奄宦之禍小臣擊之其害止於一身大臣擊之其害

及於天下彼以小臣無所輕重故其致怨也淺然大臣擊

之不勝而身退其禍緩不勝而身不退其禍亟彼既仇大

臣則勢不兩立也今堂翁倡舉朝之人而擊之既不勝矣

以道事君不可則止孔氏家法本是平常當此之時有一

毫畏死之心固爲非道即有一毫求死之心亦爲非道君子不顧成敗未有不顧出處者也 又謂仲達

曰去畱當決諸己如與人商議定是去不成以此言告堂

翁可也楊終遷延及於難說 蘇浙西大水同上與五年大

旱俱應東南 七月葉向高致仕明是月五星聚張謹

麻法推之是歲七月十七日木火金水四星會於張處暑

後七日也金水張初度火張二度木張十度土星尙在星

四度至八月下旬至張而火金水不好事者疑中州或有

異人公謂嘉靖三年五星聚室占主朝廷營建是歲仲冬



公與劉碧山侍班事竣碧山謂公曰三殿工將興矣公謂此何時而可興大舉乎未數日果有旨建兩門遂興三殿豈占應亦主營建耶說畧先是各官乘小轎逆奄復乘馬

之制內侍馳突故相屈辱其所乘皆京營牧馬公令京營

嚴戒受僱於是絕跡神道碑有和李仲達騎馬吟句云聖恩

不在垂帷小臣節還期裹革人詩畧八月河南進玉璽忠

賢欲侈其事令由大明門進行受璽禮百僚表賀公上言

昔宋哲宗得璽蔡確等競言祥瑞改元元符宋祚卒不競

本朝宏治時陝西獻玉璽止令取進給賞五金此祖宗故

事宜從事獲中止明史本傳邸中中秋前一日月食句云感

此問世途風波自點綴須知有心人至性原無逝詩畧謹按麻

法推之是年八月十五日寅初二刻望距正交六宮一度

弱南緯五分之食既五初三刻初虧是月食在中秋日而

集云前一日者從俗稱以十五日旦前為十四夜也公於癸甲之際疏凡十三上

語語切中要害直刺中扃而劾奄媼三疏詞皆激烈或謂

與和平之說異公曰某諫官也遇事則言義無隱避與大

臣當休否之任者其設施不可一例也行狀參神道碑有早朝示

倪玉汝詩云侍臣勿恨瞻天遠退食恆愁補過迷詩畧有

與王慈獄中丞洽論改折書畧云東南思亂之會又復益以災荒此果何日也哉改折

黃忠端公年譜下 七



一事暫得愈旨而仍復反汗且浙西未得全折己爲遺憾而節覆無端又欲取永折之紹興而暫徵之彼固未識錢塘曹娥天所以限浙東西也萬祈老公祖力爲主持以救此一方剝牀之恐文畧公語門人徐

寶摩石曰乾六龍一亢姤豕至矣姤一豕躡躅元黃至矣

羣賢之龍戰可謂亢矣南樂其豕也錢撰時南樂魏廣微

允貞與逆賢認宗稱姪遂怙勢偃蹇十月初一日頒麻不

到廟享又後至嘉善魏忠節將糾之公曰姑無決其藩籬使

有返顧乎君不見負嵎之虎以石投之則咆哮而起矣嘉

善謂二魏相倚應山楊忠烈角之吾可不掎之公曰應山不

能踏內公又焉能踏外徒速禍耳劉復錄參神道第二碑

黃忠端公年譜下

八

魏廣微廟享不至書畧云君子小人之品判若黑白君子小人之名消若朱紫其消也能致天下之亂其判也亦能致天下之亂小人雖與小人爲朋未嘗不欲與君子爲朋小人但惡其礙己者未嘗以其爲君子而惡之以其爲小人而好之而以小人之名顯也勢窮理極爲君子所不容始不暇避小人之名而君子之禍烈矣君子社稷之念重於名節年兄嘉善不聽卒劾之廣微遂取摺紳便覽於姓其細思之

名上加三點二點一點約六七十員目爲邪黨又手書所

欲大用之人五六十員加三圈二圈有差目爲正人密付

逆奄逆奄一一依行說畧東林盈朝自以鄉里分朋黨先

是江西章允儒陳良訓與魏大中有隙而大中欲駁尚書

南師仲恤典蔡人亦多不悅公急言於大中止之文畧有

止魏廓



園抄參至是山西尹同皋潘雲翼欲用其座主郭尚友爲  
卹典書

山西巡撫大中以尚友數問遺朝貴執不可公引杜征南

數遺洛中貴要爲言大中卒不可議用謝應祥公謂當事

曰謝公爲趙魏老則優不可爲滕薛大夫不聽適廣微愠

大中遂曠所親陳九疇劾大中出應祥門應祥曾令大中推舉

不公貶三秩出之外盡逐諸正人明史本傳魏大中傳參說畧是月

吏部尚書趙南星左都御史高攀龍吏部郎中鄒維璉回

籍十一月吏部左侍郎陳于廷都察院左副都御史楊漣

僉都御史左光斗應天巡撫周起元削奪大學士韓爌朱

黃忠端公年譜下

九

國禎兵部侍郎李邦華回籍剝復十二月徐光魁爲吏

部侍郎喬應甲副都御史王紹徽僉都御史皆素爲南星

所擯者紹徽等既進用編東林一百有八人繫以水滸傳

天罡地煞星諸名目爲點將錄獻之忠賢傳按名黜汰後

又有同志錄天鑑錄皆踵之而成者也紹徽竟得驟任冢

宰綱目三編參說畧謹按先撥志始載東林點將錄開

山元帥托塔天王南京戶部尚書李三才等共一百九

人公名列於馬軍八驃騎中稱天空星急先鋒山東道御

史黃某末一行題天啟四年甲子冬歸安韓敬造又劉若

愚酌中志言崔呈秀密付逆賢之天鑑錄首列東林渠魁  
葉向高等次列東林脅從孫鼎相等又列眞心爲國不附  
東林顧秉謙等若干人同志錄列輔臣詞林部院卿寺臺  
省部郎常博任子贊郎武弁共若干人臺省則公與李忠



毅諸公也四庫提要存目東林同志錄一卷題下註曰續  
點將錄共一百七十人與酌中志所記大畧相同又有盜  
柄東林錄一卷分初盛中  
晚四門皆不著撰人名氏  
是歲何宗彥卒明 黃石齋

道書桃花源記并致贈語有云虎兇橫道中猿鶴安足賴

公作詩答之云兇軼龜玉毀典守安所循兩公隱憂國是

情見乎詞矣石齋又書庾子山小園賦贈公蓋猶桃源志

也宗譜

是年送萬元白煇 劾奄魏忠賢廷杖歸有詩一首邊境有

梟社有鼠國事紛麻何所底或爲借劍或請纓秀才分

內應如此有友貌癯膽自雄直披聞閭追龍逢交章不

黃忠端公年譜下 十

回明主意孤臣灑血向誰通當時朝上夕被拘大小宦

豎嘯通衢青天颯然白日淡衣冠奪氣惟長吁奄拳已

自飽雞肋天威不霽敢悚息杖下猶知呼先皇忠肝尚

能通紫極紫極浮雲有時開先皇遺澤正堪哀千古未

乾義士血一時共詫掌心雷我今送子及新秋新恩曠

蕩不更裘欲贈龍泉頻拂拭相看畱斬佞臣頭又有送林心泌

汝義劾魏忠賢林心泌歸詩亦見詩畧

五年乙丑公四十二歲

正月魏廣微受奄頤指陰屬太宰欲以公及李次見應昇周



來玉建宗等八人年例外補范公景文時為劾功爭之曰此有何

罪而欲斥之曰黨人也范公曰黨之一字乃漢唐宋末季

小人所以傾君子者聖明在上而可復以此為口實哉且

我輩豈殺人媚人者有死不為也遂引疾歸范撰本傳是月

崔呈秀復為御史先是呈秀按淮陽高攀龍發其贓私謹按

此甲子九月事高公疏係李忠毅代作稿載落落齋集趙南星議戍之呈秀窘夜走

魏忠賢所叩頭乞為養子涕泣言南星攀龍輩皆東林邪

黨時忠賢為廷臣交攻思假事端傾陷正士得呈秀恨相

見晚遂用為腹心日與計畫陰排諸異己者綱目三編倪文

黃忠端公年譜下 十一

正元見公奏疏敘之云欲使賈言失至陸語墮新可以汗

青竹而為光餼黃鉉而不覆也正氣錄參縣志二月公奉茶馬

差出京有長安畱別及題壁等詩出都門數百里紅塵撲

天輿人戒不敢進公有詩云世界爾能攪丹心我自微感

時寓意也詩畧呈秀疑前高中丞發其贓案公有力焉因

嗾其門生曹欽程疏劾周公宗建張公慎言暨公與李公

應昇謹按明史欽程傳言欽程由座主馬銓父事忠賢銓

欲害御史張慎言周宗建令李魯生草疏屬欽程上

之因及李應昇黃某而薦魯謂作趙南星之鷹犬為魏大

中之爪牙又誣公以汪文言倖冒臺班即薦座師座字係房字之



誤 鄒維璉於趙南星破例得入吏部一味搏擊善類奉旨

這本說得是四臣都着革了職為民當差仍追奪誥命列復

錄參 三月公削籍歸有平陰遇劉止菴赴榆關由平陰

之滕陽有感過漢高廟睢陽道中等作詩畧 汪文言之獄

逆黨定謀入楊左公授畫於鎮撫劉僑單詞不及而獄解

未幾僑以寬文言削籍洩其語羣小甚忌公俟公出復捕

文言張撰祠堂碑參文約野史辨 魏奄必欲殺楊左等坐以移宮徐大

化教忠賢牽入封疆坐以納熊廷弼賄則殺之更有名於

是重鞫文言備五毒令引漣等受賄文言忍死不承鎮撫

黃忠端公年譜下 七

司許顯純手作文言供狀漣光斗各受二萬魏大中二千

袁化中六千周朝瑞一萬顧大章四萬謹按袁字民諱武定人諱忠愍周字

思永臨清人諱忠毅顧字伯欽常熟人諱裕愍並楊左丁未同榜 即日斃文言於獄爰書

上詞連趙南星李若星毛士龍繆昌期鄒維璉鄧漢盧化

龍錢士晉夏之令王之案徐良彥熊明遇黃龍光李三才

惠世揚施天德黃正賓十七人即十七君子剝復錄無 中

旨逮漣等六人下獄南星等俱削籍下所枉巡按追贓明史

參綱目 夏蘇松浙西大旱斗米二百錢說畧 御史楊維

垣首翻三案給事中霍維華繼之痛詆劉一燝韓爌孫慎



行張問達周嘉謨王之寀楊漣左光斗

挺擊以王之寀為罪首紅丸以孫慎

行為罪首移宮以楊左為罪首而譽范濟世等請改光宗實錄忠賢立傳

旨削劉一燝等五人籍逮之寀免李可灼成擢濟世等

三編參明史維華傳

秋前副都御史楊漣僉都御史左光斗給事

中魏大中御史袁化中太僕少卿周朝瑞陝西副使顧大

章先後斃於獄 毀天下講學書院尚書余懋衡副都御

史馮從吾等俱削籍 張訥奏毀書院醜詆講學諸臣以懋衡從吾孫慎行為首慎行前已削籍

云併追奪鄒元標官誥 周如磐黃立極丁紹軾馮銓並

入閣預機務 明年五月紹軾卒六月銓免 時顧秉謙為首輔延禧廣

黃忠端公年譜下

微先後罷 並明史參綱目三編 公與朱永孩 大典 約江頭看潮阻雨

偕許霞城朱永孩兩掌科集湖邊小閣俱有詩 畧 聞楊

魏為奄人所害哭之於野慟是夜夢忠烈告曰大禍未解

家錄參 有寄李仲達書 畧云諸君子苟聽我兩人之言

正氣錄 種合符若禍止見於吾輩而國家猶是恬然生民猶是父

然吾輩不惜以其身為尊薦使人寢處其止但從古未有

仁賢云亡而邦國不殄瘁者言念至此雖 十二月魏忠

賢榜東林黨人姓名示天下 從盧承欽之言 是時訛言

繁興謂三吳諸公謀翻局用李實為張永主之者公也逆

奄聞之偵者四輩至吳茫無蹤跡逆黨懲前汪文言事忌



公益深謂公深沉有遠慮必為吾儕患

張撰祠堂碑

是年季

子孝先公生

諱宗彝 諡諱攷

作汪文言傳

文畧 又著有荆卿論完璧論

是年有被讒奉旨削籍詩

一首

馳驅十載為誰勞瑟瑟黃

塵暗二毛天王明聖臣罪死深恩賜我舊青袍舊袍原

帶烟霞質欲將補袞終無術攜去鋤雲犁雨時塞翁何

須愁得失憶狂長安寄一枝蚤朝時聽鐘聲遲披衣絡

馬揮鞭去雲擁千官大道西轉眼桑田已作海同事賢

豪蕙與醞密網驚弓是處排登場莫怪新傀儡我今拂

衣歸翩翩艸堂數楹水竹邊揚眉莫吐龍門譽低首忍

黃忠端公年譜下

古

看元祐篇吁嗟乎四十罷官已不早白雲空谷應許老

人生釣魚射雁盡生涯誰言戀戀一官好 次陶路叔

崇道驛壁韻

一首 路叔入長安十日忤奄而歸

升沈夢幻總非吾十日

梧垣得似無滿眼何人辨指馬一枝肯與借棲鳥春生

非復前朝柳婦去還憐舊日夫倏往倏來雙翮老橫秋

再辦雁門租

寄李仲達

三首

杯酒春明意自知曾傳驛

舍幾行詩虞人果設彌天網天末飛鴻何所思曉鐘夕

漏已經過試問無官味若何寵辱人間渾不管小窗閒

夢覺婆娑一片嬾雲歸壑遠無端驚鯉脫鈎忙相看棋



酒生涯在水滌山空歲月長 與許霞城譽飲包圍偶

言周蓼洲順昌被讒削籍前世態橫翻何日平如君眼底

便分明可由可跣無常是顛倒憑人舌底生名園把酒

興偏豪海內相逢盡做袍不是石尤吹浪緊湖山那得

屬吾曹

六年丙寅公四十三歲

正月輔臣顧秉謙丁紹軾黃立極馮銓等纂三朝要典明史

蘇杭織造太監李實齷齪不識字素與璫忤公居湖上

時實曾投刺往謁公與見會有刑侍烏程沈演奄黨沈演之弟家

黃忠端公年譜下 五

居奏記逆賢曰事有跡矣逆賢日遣使譙訶李實令李永

貞代草疏誣周起元前為應天巡撫時乾沒舒金十餘萬

又與周順昌高攀龍李應昇周宗建繆昌期黃忠端公諱往來

講學實有司房謹校酌中志司房即孫昇也出實印信空本填寫

上之明史參剝復錄先撥志始二月原任御史周宗建侍讀繆昌期

應天巡撫周起元左都御史高攀龍吏部員外郎周順昌

御史李應昇黃忠端公諱俱著緹騎逮治剝復錄三月庚申十七

日緹騎至蘇逮周公順昌激眾怒擊斃緹騎二人餘皆四

下逃竄巡撫毛一鷺殺倡義五人顏佩韋馬傑沈揚楊念如周文元以謝



璫而至浙逮公者挾勢需索如故衆復走胥江城下焚其

舟投其橐於河緹騎倉皇星散失駕帖所枉先撥浙撫移

檄紹郡一時競傳爲逮戴山劉公時惠公世揚被逮戴山

安坐待之越日始知爲公也劉子行實公聞之畱家訓一章文

庭間道投獄縣令祁逢吉疑其凶命操兵到門公移書曰

抱頭鼠竄豈免一死昂首伸眉落得骨頭香耳君何小視

海內男子也戴山先生追送之見而涕泣不已公自謂無

濟國是抱愧而已文撰神戴山與公豫訂爲姻公命文孝

公從之遊結崎亭集黎洲公神道碑謹按戴山家孫茂

林字子本崇禎壬申生爲文孝公次女壻所謂

豫訂黃忠端公年譜下 十六

未至家錄謹按明史周起元福建海澄人是歲六月下獄九月卒於獄公就獄訊者問賊

幾何公厲聲曰清風明月名山大川皆吾賊私何必問乃

公爲訊者知不可窮以詞懸坐二千八百兩具疏逆奄尚

恨其少值地震乾清皇子薨逝帝擲疏於地曰今日打官

明日打官乃止行狀參神 鯤溟公潛入京師逆賢知之

縛置神祠中榜掠使籍記其往來者鯤溟公言倉卒不能

悉有尺書藏某所可取視其人信之乃得脫走家公枉

獄中與李公仲達周公蓼洲周公季侯繆公當時高談恍



慨怒罵之後繼以詩歌文撰神道碑逆奄於是分屋處之不通

往來劉撰第碑門人徐虞求私問之公曰子無用戚我我於

此豈減黃霸之受書哉文撰神道碑虞求納橐餽募金抵誣贓

思所以出之逆奄知之罪虞求削籍文約忠襄徐公神道碑逆奄

使許顯純以次拷掠李公病甚公拷竟次及李公公復就

拷顯純詰之公曰吾忍見李公負病受楚毒乎顯純愍然

為之改容文撰神道碑公復自割其所完贓三十金代李行狀

獄中夢三黑人楊忠烈亦夢之識者謂遜國之忠臣也家錄

又於冥眩之中見老人屈指同難諸公而較之曰他日惟

黃忠端公年譜下 七

公最吉文定澤望公塘志逆奄使私人次第害諸公五月丙午

日五繆公昌期死於獄後諡文貞戊申日王恭厥災焚殺軍民無

算是日薊州地震密雲連震三日癸亥二日朝天宮災六

月丙子日五京師地震天津宣大山東河南皆震戊子日十七

周公宗建周公順昌死於獄明史忠毅忠介後諡一日伍伯執巨

纒睨視公若有所縛者公曰若欲殺我乎何色之遽伍伯

曰何與小人事上官勒取官病故狀矣行狀公與李公隔壁

而處索酒痛飲扣壁謂李公曰某先行候兄於帝所耳神道

起攝衣望闕拜呼天子萬歲復望南拜曰兒子從此逝



無復養父母矣各四拜訖起而賦詩一章付伍伯遂遇害

時閏六月朔日也行狀越五日出獄肌肉漲爛頭面不可別

識矣錢撰墓志謹按是歲新麻閏五月明麻則閏六月

崇禎初赦出謂文孝公曰德維曾事忠瑞公公薨於朔非

二日也故公諱日定為閏朔語見家錄明史列傳亦書公

卒於閏六月朔日李公應昇卒於二日以麻推之朔日辛

丑二日為壬寅王鴻緒史藁熹宗本紀書壬戌黃某李應

昇卒於獄越日李公相繼卒俱有脫誤

閏六月朔正命詩首正氣長留海嶽愁浩然一往復何

求十年世路無工拙一片剛腸總禍尤麟鳳途窮悲此

際燕鶯聲雜值今秋錢塘有浪胥門目惟取忠魂泣鐫

黃忠端公年譜下 大

鏤謹按南雷文約重建忠端公祠堂記伍員諫夫差為

至乙酉明亡亦二十二年越滅吳公諫熹宗為甲子歲

動虛塵可數當知緯候為小道耳

七年丁卯八月乙卯二日熹宗崩丁巳四日莊烈帝即位明史

十一月魏忠賢崔呈秀及客氏等皆伏誅綱目是月乙

崇禎元年戊辰正月文孝公草疏入京訟冤結崎三編亭集

西九日戮魏忠賢崔呈秀客氏尸明史二月丁未二十盡

復冤陷諸臣官明史四月贈公大中大夫太僕寺卿賜葬

費三百金錄一子明史參文孝公既謝恩即疏請誅曹欽

程李實等得旨刑部作速究問五月刑部會訊許顯純崔



應元論二人斬妻子流徙結崎亭集又捕曹欽程李實抵死實

上辯原疏墨托硃上乃逆賢取其印信空本命李永貞填

寫之者於是以李永貞代李實滅李實戍之神道文孝公

與光山夏承吳江周廷祚共筆所頭顏咨葉文仲立時而

斃文定五集 結崎亭集作葉咨顏文仲乙丙被難諸公皆二人所手害者喪歸縣令蔣燦弔

之途鯤溟公曰此郊弔也明府以春秋起家不讀左氏傳

乎燦為之愧謝家錄御史袁鯨請於京城建祠一座以慰

忠魂楊漣周順昌黃忠端公諱李應昇等各家子弟追塑遺像

於祠中順天府春秋祭享詔曰可於是死節最著者十三

黃忠端公年譜下 九

家乙丑六君子 丙寅七君子有司奉旨立廟於鄉皆名曰敕建文約重 建忠端

堂記

二年己巳三月定逆案自魏忠賢客氏依謀反大逆律磔死

外以六等定罪首逆同謀崔呈秀李永貞等六人俱立斬

交結近侍曹欽程許顯純崔應元等十九人俱秋後處決

又交結近侍次等魏廣微徐大化霍維華張訥李魯生楊

維垣等十一人及逆孽軍犯魏志德等三十五人詔附擁

戴李實崔文昇等十五人俱充軍交結近侍又次等馮銓

顧秉謙張瑞圖來宗道郭允厚朱童蒙王紹徽賈繼春范



濟世阮大鍼陳九疇元詩教趙興邦傅槐郭尙友盧承欽  
陳爾翼郭興治呂純如毛一鷺等一百二十八人俱徒三

年贖爲民祠頌黃立極施鳳來等四十四人俱閒住明史參先

始志是歲王父對川公誥贈中議大夫太僕寺卿王母

章氏誥贈淑人父鯤溟公誥封中議大夫太僕寺卿母盧

氏誥封淑人宗譜續錄以此爲二年事是時東浙之爲魏奄舍人而

至大官者皆髮黥歸里鯤溟公獨見榮於世云家錄十一

月丙午二十五日小寒上候卜葬公於隱鶴橋門人徐忠襄石麟爲狀

嘉善錢相國士升爲銘銘曰錢塘百折至海門英靈磅礴正

黃忠端公年譜下

氣存前有忠肅後有孫茲得黃公鼎足尊正氣錄

五年壬申建祠縣西之西石山文約遷祠記謹按兩朝制復錄卷五有蔣一聰爭地事

並見文約重建祠堂記歲以二仲有司祀之中牢後十年紹興府推

官華亭陳子龍爲碑銘餘姚志參正氣錄鼎革以後浙東不靖用

兵者數年祠當孔道兵出輒屯駐其地借爲營房而祀以

廢錢撰重建祠堂記

九年丙子十二月遷葬於化安山坐午向子兼丁癸虞山尙書爲誌

長洲文文肅震孟爲神道碑銘銘曰常侍黨錮漢用以凶本

朝宦者亦累猖狂亦有黨人盛於神皇未嘗合併故世祚



以長熹宗之初厝火伏殃內則奄媼外則元黃兩者欲合  
曖昧未彰於惟黃公憂來無方惕號同志戒其用剛勿啟  
內爭化姦爲良奈何君子視聽茫茫盲風惡浪敵起餘腥  
抱薪救火佐鬪逢僵黨禍奄禍遂使相將頌功勸進於莽  
有光百爾君子寄命銀鐺吁嗟黃公血染朝裳不以智免  
不以勇傷碧化名山濤湧錢塘帝曰忠臣三錫龍章千秋  
萬世下馬傍徨 南昌劉文端一爲神道第二碑並正氣錄

按公有作字號祀田十二畝在通德鄉歲收所入爲墓祀家祭之費迨今子姓輪年無改其規制蓋定於文孝公云

十年丁丑三月癸巳

四日浙江布政司左參議分守甯紹道

黃忠端公年譜下

三

謝雲虬奉命諭祭

正氣錄

祭文云惟爾孤忠貫日正氣干雲

請卹於萬璟之死發奸於楊漣之先已乃冤沉鉤黨獄具  
同文萬姓灑泣諸生舉旛猶且屬詞草奏痛父辭君卒使  
奸險之徒未敢喋血薰腐之魁終裂車輪龜鼎晏然賴爾  
忠魂浙江舊志謹按祭文與正氣錄所載不同此蓋其原本也

十七年甲申署禮部右侍郎管紹甯疏請蔣欽等二十五臣

予諡

正德嘉靖天啟三朝擬

公諡忠端一擬毅愍奉旨準照正擬予

諡法守禮執義曰端江右萬時華所擬也正氣錄易  
諡名本末謹按明史繆昌期傳崇禎初詔予璫難諸臣  
諡是時姚希孟以詞臣持物論雅不善左光斗周宗建力  
尼之遂并昌期及周起元李應昇黃某周朝瑞袁化中顧



大章皆府志忠再贈兵部左侍郎義傳是歲常熟陳虞部梅

臣卜地於西湖之上得六一泉舊址背距孤山面臨鳳凰

營構上下為十六棟層樓九楹祀天啟蒙難隕身者十有

七人曰高公攀龍趙公南星楊公漣左公光斗魏公大中

黃公尊素李公應昇周公起元萬公燦周公順昌周公朝

瑞繆公昌期袁公化中夏公之令周公宗建顧公大章劉

公鐸及崇禎甲申致命遂志者十有九人曰范公景文倪

公元璐李公邦華施公邦曜王公家彥孟公兆祥凌公義

渠吳公麟徵周公鳳翔馬公世奇劉公理順汪公偉吳公

黃忠端公年譜下 三

甘來王公章陳公良謀成公德許公直金公鉉孟公章明

名兩朝忠烈祠石齋黃公為碑文叵何南都不守無識之

徒以死明事為諱遷三十六神位於閣上而中堂設浮屠

像改名廣化寺閣上又雜置漢唐宋牌位杭人視為公共

香火與郡邑之賢祠無異矣正氣錄 謹按文孝公跋忠烈祠碑云崇禎初劉念臺先生欲建五賢祠於湖上先忠端公魏忠節公為主魏子敬附之其二人則高忠憲講學湖上周忠毅令仁和也後因董役非其人虛此勝事故陳虞部有是舉

國朝康熙二十四年乙丑學使婁東王公揆字顯行部東浙

表章啟禎忠節檄知府三韓胡公以渙建六賢祠於越城



南羅門府學之東以公爲首次劉忠正宗施忠愍昭倪

文正元祁忠敏彪周文忠翔鳳有司春秋致祭原名忠貞講院王公揆有

碑記見府志謹按咸豐辛酉祠燬於賊山陰宗滌樓觀

察樓辰議重建未及舉行暫安神位於四賢書院尋寄於

書院蕺山學使王公考圖經知公故有祠宇今雖蕪廢願先

朝敕建不可不復乃卽公黃竹浦故居老屋三楹肖像存

舊文約重建歲頒銀六兩爲春秋二祭及修祠之費從學租銀

轉給承崑山徐公乾學爲記晉陵周公清原爲碑銘桐城

錢公澄之爲重建碑記正氣錄文孝公有重建祠堂記文約

二十五年丙寅三月崇祀鄉賢祠文約

二十九年庚午七月大雨山水大至平地驟高二丈黃竹浦

祠屋沈文約姚沈記參遷祠記

三十年辛未徐健菴司寇乾果亭中允秉義立齋相國元昆季

暨張素存相國玉書周蒼湖學使清姜定菴京兆希各出清

俸重建公祠文孝公以每歲春秋之祭有司往返四十里

心甚不安乃遷於新城南門之左太守長白李公鐸題額

文約遷祠記紹興府志云在新城保慶王廟左子宗義

增焉慈谿鄭寒村梁嘗問學於宗義其子性爲置祭田四

十餘畝謹按此卽文孝公祀田鄭南谿性請汪荇洲學使

也事詳黎洲公年譜新城忠端公祠初字號地一浙撫遂



甯張公鵬翮撰祠堂碑銘載入餘姚志文孝公有遷祠記

三十八年己卯六月崇祀府學賢祠督學張公希良有公暨郡學賢祠看語署紹興府事遼陽遺獻公父子兩神位入

漸公治荆有祭文俱詳正氣錄

三十九年庚辰季孫主一公詳百增塑四配像於新城祠中

忠襄徐公宜蘇金公兩像位公像之左旁文靖朱公遺獻

文孝公兩像位公像之右旁徐公諱石麟字寶摩號虞求嘉興人天啟壬戌進士歷官

吏部尚書致仕家居乙酉閏六月王師取嘉興朝服自縊諡忠襄朱公諱天麟字游初別號震青崑山人崇禎戊

辰進士歷官吏兵二部尚書文淵閣大學士從永祿間關而死諡文靖金公諱渾字宜蘇吳縣人宰廣東英德縣城

陷死之皆公戊午分房所取士也 郡侯長洲宋公廷業詣祠致祭取遺獻

黃忠端公年譜下 五

公支撐天地之語以一脈支天四字顏其額隸文係甬上萬九沙經書

主一公有重修祖廟增塑配享四像碑記事詳

雍正九年辛亥

詔修先賢祠宇總督李公衛酌給帑銀檄縣重修公祠李公

有碑記謹按浙江通志餘姚縣志皆載雍正十二年檄縣重修茲據李公碑記為九年事碑在新城祠內知

縣葉公焯交立石

乾隆十四年己巳郡守邦上杜公甲搜訪越中忠賢得最著

者十家公與焉六賢外益以王文成守仁孫忠烈請於大

府方公口每歲頒銀五十兩均給各家俾修祠祀永為成







無者增之堂之上亦煥然一新矣所費金數約倍大衍除  
償舊貸外以己貲助於公焉宗人曰盍志之以詔後人爰  
爲志若夫公之精忠大節與四配之出處生平照耀史乘  
何俟炳之贅言同治甲戌七月哉生明仍孫炳垕恭記

黃忠端公年譜下

五





中華書局發行  
附錄 價  
1 / 1.00